



Kāri Rauemi

Coastal Cannibals

Ngahua Harrison, The Cave, 2022, mātātuhi kano matihiko. Nā te ringatoi te manatārua

**City
Gallery
Wellington**
Te Whare Toi

Part of
experience
Wellington
Wellington museums trust

Principal Funder
**Absolutely Positively
Wellington** City Council
Me Heke Ki Pōneke

 **Foundation**

Civic Square, 101 Wakefield Street
Wellington 6140, New Zealand
T: +64 4 913 9029
E: citygalleryeducation@experiencewellington.org.nz

citygallery.org.nz

City Gallery Wellington's
Education Service is
supported by the Ministry
of Education's LEOTO fund.


MINISTRY OF EDUCATION
Te Tihaka o te Mātauranga

Coastal Cannibals

Mō te ringatoi

He ringatoi hopu whakaahua matihiko, he ringatoi whakaahua-ringa hoki a Tākuta Ngahuia Harrison. Ko tāna rangahau te ngako o tana mahi toi, nā konā unuhia ake ai ngā kōrero o te mana-i-te-whenua me ōna tini āhuatanga.

Mō te whakaaturanga

He kohinga whakaahua nui whakahirahira a Coastal Cannibals i mahia ai ki Whangārei Te Rerenga Parāoa, he wāhi i tapaina ki tēnei ingoa nā te huihui o te parāoa ki te whanga i te wā o te raumati. Ka aro atu a Harrison ki ngā rawe me ngā nawe i hua mai i ngā ture pērā i te Takutai Moana Act 2011 i whakatau ki runga i tōna kāinga tupu. Ka huri tāna arotahi ki ngā pae o te ahumahi me te whakatūmataiti whenua hei whakaahua i ngā pānga o te taipūwhenuatanga, o te turetanga me te whanaketanga tūmataiti ki runga i te whenua, te wai me te iwi.

Mārama | huatau matua

Ka āhei tā te ākonga tūhura i ngā ariā toi ataata me ngā hītori o tēnei whenua hei urupare ki ngā mahi a Ngahuia Harrison.

- Kua rerekē te whakamahinga o te takutai me tōna taiao nā te mahi whakature a te Kāwanatanga. Nā aua mahi i papatoiake ai, i taunga kore ai te noho a te iwi Māori i roto i āna ake tikanga ki runga i ōna ake whenua.
- Ahakoa he wāhi whakangahau te takutai, he nui hoki āna rawa, he rawa e kaha whakataetaetia ana e Tauīwi me te iwi Māori.
- He āhua ōrite te whakawhanaketanga ahumahi ki Whangārei me Te Whanganui-a-Tara, i ia wāhi ka murua te whenua mā ngā ture a te Kāwanatanga.

Mōhio | horopaki o te toi

Ka āhei tā te ākonga pakirehua i ngā take, i ngā uara, i ngā horopaki o tā Harrison mahi.

- Kei te marae o Ngahuia Harrison, mā te whakaahua tonu ngā kōrero ā-iwi e kawe, kua mā te whakairo.
- Mā te tōkia ake i tōna kāmera ki e aro atu ana ki pae moana, ka whakaū a Ngahuia Harrison i tōna mana ki Whangārei.

Mahi | mōhio-ā-ringa

Ka rehe te ringa o te ākonga mā te:

- Whakawhanake i ngā pūmanawa whakaahua rerekē.
- Hanga i te toi e whakawhenua ai rātou ki te takutai, ki Te Whanganui-a-Tara hoki.
- Iheuheu i ngā āhuatanga mātātuhi kia noho motuhake hei waka mō te kiko o te kōrero.
- Whakamahi o te pakirehua, o te taunaki kia mārohirohi ai te tū o te whare kōrero.

Ki mua i te toro mai

- Kia wānangahia ngā tikanga rerekē a tauīwi, a te Māori hoki ki ngā whenua Māori, ki ngā whenua tūmataiti, tūmatanui hoki.
- Tirohia [WAI 145](#) hei wāwāhi i ngā kōrero mō te takutai ki Te Whanganui-ā-Tara me Whairepo.
- Rapuhia he tauira pai nō roto i ngā kōrero hītori o te takiwā o tō kura hei whakakitenga atu i ngā tohetohe i waenganui i te karauna me te mana whenua mō te mana o te takutai te take.

Kei toro mai ana

Ka whakawhitiwhiti kōrero, whakawhitiwhiti whakaaro ngā ākonga mō ā rātou wheako ki ngā takutai o Te Whanganui-a-Tara, me ngā whakawhanaketanga kua kitea e rātou. Ka ārahina ai rātou mā roto i Coastal Cannibals ki mua mai i te hanga mātātuhi mō rātou anō, ā, nōwhea hoki rātou e mōhio ki tēnei momo mātātuhi.



He pipi me te āhua o te wāpu ki Whairepo te tā ki runga

Hei muri i te toro mai

Kua whakatauiratia e Ngahuia Harrison te mana o te hopukanga whakaahua hei kawe i ngā kōrero ā-iwi. He nui pea ngā hua o te haerenga atu ki te takutai tata ki tō kura me ētahi whakaahua nā mollusca.co.nz, kia ākona ai, kia tautuhitia ai ko ēhea ngā rawa e kohikohitia ai hei kai, he aha ōna hononga ki te hauoratanga o te ao koiora, ā, he aha ngā pānga o te whakawhanaketanga ahumahi ki reira. Kia wānangahia tā te takutai tiaki i a koutou, he aha ōna herenga ki ō ākonga iwi hoki.